



Selasa, 12 Januari 2022  
**Ogen: Esekiel 23:36-49**



**Pertenget Ula Erlua-lua**



Pernembah ate Dibata ertambah-tambah nandangi perbahanen Oholiba, sabab labo terjeng ia erlu-lua ngenca ras dilaki-dilaki si deban, tapi ia pe munuh kalak bujur, munuh anak-anak Dibata. Ersadakal arihna ras kakana si Ohola ngelakoken si nggesuh. Erlua-lua ia ras berhala-berhala, la bias dilaki temanna erlua-lua. Iliamina ka rumah pertoton janah la iperdiatekenNa wari sabat si iaturken Tuhan. Ibunuhna anak-anak Tuhan jadi persembahen man berhala-berhala. La erngadi-ngadi iundangna dilaki-dilaki reh ku rumhna, ipesikapna ingan medemna, deherna e isikapkenna pangan si entabeh ras minak wangi si merim-merim. E maka enterem kalak rehen ndahi ia ras tunduh rassa.

Seh kal meluatna perbahanenna e duana. Iukum Dibata ia duana, alu nuruh jelma sienterem mpebiar-biar ras ngerampok diberu e duana. Suruh jelma sienterem e menterisa alu batu ras nakilisa alu pedang, janah munuhi anak-anakna ras nciluk rumahna. Iradasken Tuhan kerina seh ku kesusurena. Perbahanen si nggesuh e ulanai min terulang i bas kalak Israel. Enda me pesinget man suku Juda ras Samaria, duana suku enda ersenina, sada bapana e me Jakup. Duana suku enda meluat i lebe-lebe Dibata, Perbahanenna si nggesuh lanai terpilasi. Seakatan iradasken lanai lit si mehuli jadi sikerajangenna. Isuruh Tuhan bangsa sideban menterisa ras nutung kerina seisi jabuna. Keri lesap lanai lit si man ulihen. Em upah kalak si erlua-lua. Pertenget man banta kerina Moria maka ukumen nari nge sekerajagenta adi kita erlua-lua. Ukumen bas Dibata nari labo terolang-olangi. Adi nina Dibata iukumNa pasti isehkenNa. Ras labo si erlua-lua e ngenca iukumna, tapi radu ras kerina sinursurna. Jelma si enterem pe ikut ngukumsa. Arah ja nari pe rehen si la mehuli. Labo lit damena.

*Tadingken perbahanen si nggesuh.*

